

近代中國史料叢刊續編第二十四輯  
沈雲龍主編

范伯子先生全集（文）

范當世著

文海出版社  
有限公司  
印行

范伯子先生全集

蘊素軒集附  
克齋敬署



近代中國史料叢刊續編 第二十四輯

目錄

范伯子先生全集(文)	范當世著
范伯子先生全集(詩)	范當世著
范伯子先生全集(連語)	范當世著
附：姚倚雲：蘊素軒詩稿	
范伯子先生遺墨	言敦源 范臨藏
帆影樓紀事(附：鞠隱案牘彙存)	吳芝瑛著
晚晴集	王韻香著
水遠山長集	楊令莠著
瓜園述異	金梁著
睇嚮齋祕籙	陳澹一著
雪橋詩話三集	楊鍾羲輯

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



范伯文


范伯文

范伯文

新西徐氏校刻

壬申十月浙  
西徐氏校刻







身之者一第才。正月二十二日發。信  
 細信老而玉浮地計算并已經年月長  
 到年刻下而多其可說惟天氣長  
 竟乃甲日光為甲中事法汗意地古廣  
 東四百里身一第考和未進院調竟都  
 二保然主無端為日福富生白難為院  
 中一第考和未進院調竟都  
 試院地一第考和未進院調竟都  
 考大海難厚水程了法考和未進院調竟都

皇德履善文孝老境用未境身從福更  
此之冠乃觀子秋公祖間善金石甫先此初  
循吏亦乃以得文苑也必仕若中一如此報  
云南東清者晚冬空都對素風靜標南  
羅帳已觀子裁月以宮在受一城山丈人  
美而終乃得佳且密子報城曰結詞曰依年  
自能忘遠之若此若此若此若此若此若此  
於事身往在實作之日本出處以國國

此七言方宜亦柳 喜風吹得 陽  
二重白 傷後 宜氣 步 鐵 海 剛 偷 幸 白 問  
深 誤 煙 香 雲 層 舞 靜 佳 他 蜂 蝶 鬧 春 向  
此人待才宜信此款作世且六人共之三言  
亦有終及之其怪奇之詩名為別派  
切之是應過之亦 吾亦試和一首  
家第第居三不和二月空香白品出他句  
得 格 律 道 午 月 亦 作 詩 本 亦 存 此  
後 端 毛 佩 似 交 漢 經 場 亦 知 傳 亦 進 院

和名國有者城古名左動乃乃合標去物  
 化。 敬請字の事弟不及更作字集  
 人信後看也性再作印事あ不務  
 和名字の事也去所云々  
 有初方燈者

補綴 松本定家

范伯子全集序

軍天下至難治者也治之者必讀書焉取友焉書非僅戰陳之術攻守之具而已也必極蜚文鈎玄之學焉友非僅將率之才軍旅之彥而已也必索博通淵識之士焉習久而知博識高而攝廣覺軍之不足治而軍乃可治斯非淺識者所可幾余以寡學而總戎機不卽顛隕者賢豪健者之掖我廣也福州曾教授履川今之博通君子也余嘗讀其書而佩之雖神交未接談笑而簡札之所以詔我者多矣比復語我曰近世吾國之爲古文者桐城吳擘父先生爲第一以可上接荆公也詩則通州范肯堂先生爲第一以足上嗣遺山也譯事則侯官嚴幾道先生爲第一以可上窺玄奘義淨也吳先生遺書行世久矣嚴先生書

亦廣布海內外子不嘗爲布其平點故書三種邪范先生之作  
雖徐文蔚爲刻全集而所遺尙多比余窮搜精寫竟子其能繼  
侯官書後爲之刊布乎余曰是吾事也夫古人往矣其文章高  
下勝負盈胸之數世旣有定評矣苟於模楷一世導揚千古之  
作無人焉爲之刊行徒令淺率荒陋不通之流妄據騷壇以迷  
罔天下之耳目則亦謀國治軍之責也刊而行之豈惟范先生  
精神意態永懸于宇宙而其憂國拯世之懷悲天閱人之旨將  
與吳氏嚴氏共垂于天壤以澤來學國魂民極其將有賴于斯  
太歲在柔兆敦牂壯月達縣黎玉璽序

范肯堂墓誌銘

桐城姚永槩撰

太史公曰詩三百篇大抵皆聖賢發憤之所爲作也豈不誠然乎哉詩體至唐而大備然世之論者每稱李白杜甫二人者塗轍不同其憂時嫉俗之情則一厥後詩鳴者至多而蘇軾黃庭堅陸遊元好問爲之最四子之爲詩猶白甫也自是以降兢兢於格律聲色公然模襲其發憤也不深則立乎中者不誠中不誠則氣不昌氣不昌則不足震動而興起孔子曰詩可以興興於發憤也維我聖清載逾二百五洲交通藝術競勝僅恃一國窳敗不振之故習不足敵彼族之方新而朝野之論又斷斷不可合并故釀爲甲午庚子之再亂於時范君起江海之交太息悲傷無所抒洩一寓之於詩其詩震蕩開闔變化無方讀者雖

未能全喻精微無不知愛而好之以一諸生名被天下噫何其  
盛也君諱當世字无錯號肯堂世爲江蘇通州儒族祖某父某  
皆不仕君少出語驚長老壯而益奇武昌張先生裕釗有文章  
大名客江寧君偕張謇朱銘盤謁之張先生大喜自詫一日得  
通州三生茲事有付託矣其後君弟鐘鎧相繼起世又稱三范  
而稱君爲大范云吳先生汝綸官冀州見君與謇銘盤唱和詩  
貽書鉤致君亦樂依吳先生遂之冀而張先生亦來主講保定  
益相與論定古聖賢人微言奧義學更大進是時君方喪前夫  
人吳先生爲介聘君仲姊因就婚先子江西安福署中先子故  
能詩君姊亦嫻吟詠君往來二年得詩益多其後吳先生居保  
定君往從之君方攜君姊客李文忠公所見卽飲酒賦詩談調



聞作別十日不見君寄詩卽寄聲誚責以爲樂迨甲午戰敗文忠公得罪君與吾皆東歸不復北遊視曩時遊讌如易世矣君初在冀所教諸生多爲通材知名於世家居及道塗所遇人士有一語之善必扶植之其經承君講授者悉有成就收科第者相望兩弟一成進士爲令河南一拔貢朝考一等爲令山東而君卒以諸生終學堂令下君已病肺臥慨然強起以助國家長育人才爲已任迂儒老生極口訾傲至投書醜詆君一接以和面論文諭使有端序病且篤就醫上海遂以光緒三十年十二月初十日卒年五十一踰年葬於通州東門外范氏之阡前夫人吳之右吳夫人生二子罕况皆諸生有文學足以推大君志以况爲弟鐘子一女適義寧陳衡恪早卒後夫人姚君所爲詩

嘗自寫定爲十八卷合文十卷藏於家方今海寓學術芬起雲  
變川增治斯事者材力已患不給而吾國文至繁奧習之尤費  
日時議者乃欲更張之就淺易君詩雖至工真知其意者無幾  
人數世以後又孰能測君所用心乎然巴比倫埃及之古碑希  
臘印度之詩西士好古者搜釋之不餘力也以吾國文字精深  
微眇實有不可磨滅者存意必有魁桀之士寶貴而研索之殆  
可決也於君詩又何憂乎君事親教弟極於孝友待朋友有終  
始將葬弟鐘來問銘未敢應也旣久乃寫所得於君者以抒吾  
哀而系之以銘銘曰

猗與仁人世有范君大本旣立發爲高文若最其行以儒而俠  
友死孤穉娟娟者妾君引任之以濡以沫囊無一錢求者踵門

計子而貸汝褲汝飢胸中恢恢齊其仇恩欺不汝疑背不汝怨  
有李生者嘗爲人言豈大好與不卽聖賢何好何賢有蘊弗宣  
吾銘未信曷讀詩篇

案先生手自寫定詩十九卷文十二卷此云詩十八卷文十  
卷稍誤



范伯子文集序

余自弱冠受學嘗從吳至父張廉卿兩先生問古文義法兩先生者皆喜接後進余居門下碌碌未有以自見獨因是得聞海內才雋之名識於心不忘其後北游京師往往獲交賢士君子今雖老行能無似而幸差免匪僻之趨者亦賴之於師友也張先生嘗爲書抵余外舅姚竹山君盛稱通州三生三生者朱君銘盤張君譽及范君當世也朱工駢文惜早逝張以幹濟稱而范君字肯堂孝友愷悌詩才雄健尤爲吳先生所激賞時方矢偶而竹山次女曰蘊素亦嫺吟詠吳先生爲媒介焉遂與余稱僚壻嘗一見於金陵再見於天津君時居李文忠幕府爲課其公子吳先生都講蓮池往來津沽閒詩酒文讌之樂稱盛一時

自曾文正督畿輔喜延攬人士其流風未沫猶可想見焉君恨  
余不爲詩督之甚力吳先生曰子毋然子爲詩徒見短耳終莫  
能勝彼因相與一笑罷泊竹山卒官君會喪桐城居未幾聞亂  
遄返自是一別不復見而君遽歿矣范氏通州舊族明季勦卿  
公有高節數傳至君乃以詩名天下家貧客遊以養親以膳教  
諸弟不私一錢歲時歸省拜謁因擁膝泣久之乃能言爲諸生  
連試不得意有司守高不仕門下士或竊其緒餘致通顯弟鍾  
進士爲令河南鑑以優貢生令山東時有三范之目十餘年間  
零謝殆盡君習聞吳先生緒論頗主泰西學說身歿而國祚傾  
事有違反運有代謝其盛衰存亡之可感喟者又豈獨一身一  
家之故哉君詩已輯者九卷曰范伯子集今其徒友復彙輯所

爲古文四卷屬余弁言余不聞曩時師友之警欬久矣感君夫  
人屢請之勤質言之以俟後君子讀君文者有以論其世焉庚  
申六月桐城馬其和通白

古今事考

二



范伯子文集序

往范君肯堂既歿排印其詩集十九卷天下爭傳誦之猶有文集十二卷今歲君配姚夫人始爲錄副寄余卒讀且以君親友如馬通伯姚叔節輩皆絕推隆君詩而未及論列其文欲余頗加月且一言綴其後蓋君之文歛肆不一體往往雜瑰異之氣而長於控搏旋盤繚邈而往復終以出熙甫土毗習之子固者爲尤美此可久而俟論定者也君始從武昌張先生受文法尋與桐城吳先生講肄求之益深至爲諸生十數年矢博科第養親顧所爲制舉文與所爲古文辭相表裏以故終不第飄泊南北名在士大夫間而已君雖若文士好言經世究中外之務其後更甲午戊戌庚子之變益慕泰西學說憤生平所習無實用

昌言賤之歲時會金陵稍喜接乘時之彥及號尸新學者下上其議論余嘗引梅聖俞談兵究弊又何益萬口不謂儒者知之句以謔之君復撫掌爲笑也君有二弟鐘字仲林鎧字秋門皆才士余最夙交仲林附以昏姻然後與君習君卒大亂起國步猝改仲林秋門亦繼逝世所稱通州三范者十餘年間俱盡矣獨余留子遺之軀懸禍亂之會老不媿恥反蹈君曩昔所賤者以未死之日或尙役於文字得錢求活其所遭身世之可悲質君於冥漠宜無甚於此也壬戌七月義寧陳三立

校刻范伯子集序

范肯堂先生文集十二卷先生手定本也先生行誼具詳前序

世之稱先生者尤重其所爲詩而文蔚初耳先生名則以文憶

少時隨宦廣東之陸豐縣濱海地僻慕爲古文辭而苦無師

先君則爲言范先生蓋是時先外舅王欣甫先生方官江南與

先生爲昆弟交王氏羣從皆從之遊先君之所期望於文蔚

與文蔚之所私自冀幸者咸謂異日居甥館執贄先生門下匪

難也光緒己亥歲外舅權知上海縣事先生蒞止始獲一見恩

恩未遑請益僅從王氏羣從得聞先生緒論觀其評點課本若

有所悟是歲先君見背既而外舅亦由上海投劾歸里荏苒

數載先生遂歸道山文蔚既不獲再見先生深願得讀先生遺



賴吳君與張子之力猶得覩此完本不可謂匪幸矣回憶趨庭之日耳先生名忽忽遂已四十年由少而壯壯而老卒未能受業先生副先君之期望俯仰今昔彌爲憮然亟以此集壽諸棗梨其詩集十九卷行將繼續刻之庚午冬海鹽徐文蔚蔚如跋於天津寓廬

此序作於庚午臘月閱三年遂以季女肇瓊適次溪癸酉仲秋成禮於北平而續刻范先生伉儷詩集亦適於是時告成二姓之好實以斯集爲之媒介莫或使之若或使之遂爲兩家增一故事更贅數言以爲鴻印甲戌仲夏文蔚又識

古今事考

ナ

清史本傳附張裕釗傳

范當世字肯堂江蘇通州諸生能詩汝綸嘗歎其奇橫不可敵  
著范伯子詩文集

南通縣志本傳

范當世原名鑄如松子家故屢空少聰穎警悟從學於王先生兆榛王授制舉業最盛有聲及門甚衆獨愛重當世當世上學必先及曙爲母賣所紡紗於市歸啜粥而後至學幼卽能對偶工敏驚其長老年十五學時尙制藝能汗漫摩其聲調州試錄第二群譁范氏有子矣是時張謇年十六試後於鑄遠甚院試鑄黜而謇進至是始相識嗣每試必過從研質所學學則舉業耳謇旣遊江寧先後從臨川李先生全椒薛先生武昌張先生遊得聞古學之津要歸則輸諸鑄而海門周家祿如皋顧錫爵泰興朱銘盤各本所得相與觀摩淘淬爲許書馬班范陳四史之學而試於有司諸人者輒無得顧氣志不少衰謇又先後與



銘盤家祿同客軍中與當世同師張先生會當世謇銘盤有聯  
 句詩爲桐城吳摯父先生所見蹤跡於張先生時當世佐張先  
 生修湖北通志吳時爲冀州牧張先生因介當世客冀旣至冀  
 甚相好旋入北洋李文忠幕課其子文忠鎮畿輔握軍國大柄  
 權勢赫如當世亦聲光灼鄉里謇故鄙文忠以利祿傲倪輕士  
 至是與當世異趣數年不通問清光緒甲午中東戰役淮軍潰  
 敗掃地譏謗及當世不盡實也戊戌庚子政變迭起當世已歸  
 乃不復出與謇謀鄉里教育如初好當世博愛易入倜儻輕財  
 無人己之別亦善與達官貴人遊與謇嘗相非張先生一日語  
 曰若二人毋乃太邱之廣與仲舉之峻乎胥過也謇成進士之  
 年當世卽納貲爲光祿寺署正文忠與瑞安黃先生積午其論